



日知錄卷之二十三

○姓

言姓者本於五帝見於春秋者得二十有二媯虞姓出顓

頊封于陳姁夏姓出顓頊封于杞郟越傳云沈姁蓐黃子

殷姓出高辛封于宋小戎亦子姓姬周姓出黃帝封于管蔡邲

霍魯衛毛聃邾雍曹滕畢原鄆郟邶晉應韓凡蔣邢茅胙

祭吳虞虢鄭燕魏芮彤荀賈耿滑焦楊密隨已諸國驪戎大戎

皆姬姓任宿須句顓臾風姓也自太皞秦趙梁徐邾江黃葛

麋嬴姓也自少皞莒已姓薛任姓隱十一年疏引世本謝

十國皆南燕姑姓也自黃帝密須亦姑姓國語又有西

在周世無考杜祁姓也自陶唐楚夔權芊姓邾邠曹姓邠偃陽

日知錄 卷之二十三
妘姓鬻夷董姓也自祝融國語又有彭禿斟三姓在周世無考齊申呂許紀

州向姜姓也自炎帝又有姜戎蓼六舒舒鳩偃姓也自咎繇胡

歸姓鄧曼姓羅熊姓狄隗姓鄭瞞漆姓陰戎允姓六者不

詳其所出國語以苕為曹姓越為芊姓與此異畧舉一二論之則今之孟氏

季氏孫氏甯氏游氏豐氏皆姬陳氏田氏皆媯華氏向氏

樂氏魚氏皆子崔氏馬氏皆姜屈氏昭氏景氏皆芊自戰

國以下之人以氏為姓而五帝以來之姓亡矣或曰嬴姓出于祝融

邠葛穀皆嬴姓伯益賜姓嬴秦趙徐乃其後凡註疏家所引姓氏大抵出于世本今其書亡不能備考

○氏族

禮記大傳正義諸侯賜卿大夫以氏若同姓公之子曰公

子公子之子曰公孫公孫之子其親已遠不得上連於公

故以王父字為氏若適夫人之子則以五十字伯仲為氏

若魯之仲孫季孫是也若庶子妾子則以二十字為氏所記

云冠而字則展氏臧氏是也若異姓則以父祖官及所食

之邑為氏以官為氏者則司馬司城是也以邑為氏者若

韓趙魏是也凡賜氏族者比為卿乃賜有大功德者生賜

以族若叔孫得臣是也雖公子之身若有大功德則以公

子之字賜以為族若仲遂是也其無功德死後乃賜族若

無駭是也按此論亦多不然詳見其子孫若為卿其君不

賜族子孫自以王父字為族也氏族對文為別散則通也

故左傳云問族於眾仲下云公命以字為展氏是也其姓

與氏散亦得通故春秋有姜氏子氏姜子皆姓而云氏是

二

也

戰國時人大抵猶稱氏族

戰國策甘茂曰昔者曾子處費費人有與曾子同名族者而殺

人不言姓而言族可見當時未嘗以氏為姓也

漢人則通謂之姓然氏族之稱猶

有存者漢書恩澤侯表褒魯節侯公子寬以魯頃公玄孫

之玄孫奉周祀元始元年六月丙午封子相如嗣更姓公

孫氏

平帝紀封周公後公孫相如為褒魯侯當依表作公子寬

後更為姬氏公子公孫

氏也姬姓也此變氏稱姓之一證

水經注漢武帝元鼎四年幸雒陽巡省豫州觀於周室邈

而無祀詢問耆老乃得孽子嘉封為周子南君以奉周祀

按汲冢古文謂衛將軍文子為子南彌牟其後有子南勁

紀年勁朝于魏後惠成王如衛命子南為侯秦并六國衛

最後滅疑嘉是衛後故氏子南而稱君也據此嘉本氏子

南武帝即以其氏命之為爵而漢書恩澤侯表竟作姬嘉

則沒其氏而書其姓矣與褒魯之封公孫氏更為姬氏者

正同

姓氏之稱曰太史公始混而為一本紀於秦始皇則曰姓

趙氏於漢高祖則曰姓劉氏

○氏族相傳之訛

氏族之書所指秦漢以上者大抵不可盡信唐書表李氏

則云紂之時有理微字德靈為翼隸中吳伯

本李延壽北史序傳不

知三代時無此名字無此官爵也表王氏則云周靈王太

子晉以直諫廢為庶人傳記亦無此事王氏定著二房一

曰琅邪二曰太原皆出靈王太子晉三曰京兆出魏信陵

君是凡王皆姬姓矣乃王莽自云舜後漢書元后傳莽自

姓姚氏八世生虞舜舜起媯汭以媯為姓至周武王封舜

後媯滿于陳是為胡公十三世生完完字敬仲奔齊齊桓

公以為卿姓田氏十一世田和有齊國三世稱王至王建

為秦所滅項羽起封建孫安為濟北王至漢興安失國齊

人謂之王家莽敗其族尚全未必無後裔而春秋吳有王

因以為氏犯晉有王良范氏之臣王生戰國齊有王斗王蠋王驩費

有王順魏有王錯趙有王登秦有王稽王齧王翦王綰王

戊過秦論有王廖亦未必同出於靈王也野客叢書曹子

未如何國人日流裔畢萬木冑稱王厥姓斯氏條分葉散世滋芳烈揚

聲秦漢呂向註秦有王翦王離漢有五侯按下繫系畢公

高之後畢萬封于魏後十代文侯始列為侯至孫稱惠王

因以王為氏而秦之翦離自周太子晉之後漢之五侯自

齊田和之後此三派元不相于註引為一誤矣故新莽以

姚媯陳田王五姓為宗室且禁元城王氏勿與四姓為婚

而巳自取王所之女魏東萊王基為子納太原王流女韓

皆不以為嫌蓋知此也庚信作宇文傑墓志亦有是誤韓

文公作王仲舒神道碑文云王氏皆王者之後在太原者

為姬姓春秋時王子成父敗狄有功因賜氏此語卻有斟

酌寶氏古無所考類族者不得其本見左傳有后緡方娠逃

出自竇之文即為之說曰帝相妃有仍氏女逃出自竇奔

歸有仍生少康少康次子曰龍器居有仍遂為竇氏唐書

世系此與王莽引易伏戎于莽升其高陵莽皇帝名也升

劉伯升也何以異哉乃韓文公作竇牟墓志后緡竇逃聞

腹子夏以再家竇為氏亦用此事竊意古地以竇名者甚

多必是以地為氏路史曰余嘗攷之古之得姓者未有不

本乎始封者也其氏於事者蓋寡矣而姓書氏譜一每為之曲說至有棄其祖之所自出又牽異類而屬之豈不悲哉正謂若此之類也

漢時碑文所述氏族之始多不可據如魏蔣濟郊議稱曹騰碑文云曹氏族出自邾王沈魏書云其先出於黃帝當高陽世陸終之子曰安是為曹姓周武王克殷封曹俠于邾至戰國為楚所滅子孫分流或家于沛而魏武作家傳白云曹叔振鐸之後陳思王作武帝誄曰於穆武王胄稷胤周則又姬姓之後以國為氏者矣及至景初中明帝從高堂隆議謂魏為舜後詔曰曹氏世系出自有虞氏今祀圜丘以始祖帝舜配後小帝禪晉文亦稱我皇祖有虞氏

則又不知其何所據宋書符瑞志載博士蘇林董巴言似於春秋世家魏志蔣濟以為舜本姓媯其苗曰田非曹之先著文以追詰隆夫以一代之君而三易其祖豈不可笑况於士大夫乎

程氏出程伯休父太史公自序云重黎氏世序天地其在周程伯休甫其後也應劭曰封為程國伯休甫字也其後為司馬氏晉書宣帝紀其先出自帝高陽之子重黎為夏官視祿歷唐虞夏商世序其職及周以夏官為司馬其後程伯休甫周宣王時以世官克平徐方錫以官族因而為氏而左傳成十八年晉欒書中行偃使程滑弑厲公註程滑晉大夫襄二十三年

程鄭嬖於公註鄭亦荀氏宗此則晉之程氏乃荀氏之別不與休甫同出今既祖休甫又祖程嬰則誤矣路史以荀

後子華子之書亦言其族出于司馬而又曰趙則真吾姓之所宗氏也則程又與趙同祖宋日子華子近世偽

書今或引其說以證姓氏之所從出則評其禮矣又據莊子及呂氏春秋子華子韓昭釐侯時人非孔子所見之程子

沈氏宋書沈約自序昔少皞金天氏有裔子曰昧為玄冥

師生允格臺駘臺駘能業其官宣汾洮障大澤以處大原

帝顓頊嘉之封諸汾川其後四國沈妣蓐黃沈子國今汝

南平輿沈亭是也汝南去汾州甚遠春秋之時列于盟會定公四

年諸侯會召陵伐楚沈子不會晉使蔡伐沈滅之以沈子

嘉歸按沈妣蓐黃四國皆在汾水之上為晉所滅左氏昭公元年

傳曰今晉王汾而滅之矣黃非江人黃人之黃則沈亦非沈子嘉之沈

休文乃竝列而合之為一誤也唐宰相世系表曰沈氏出

自姬姓周文王第十子聃叔季食采於沈汝南平輿沈亭

即其地也此為得之又按魯有沈猶氏家語魯之販羊有沈猶氏者曾子弟子沈猶行是以地

為姓漢書景帝封楚元王子歲為沈猶侯

白氏唐白居易自序家狀曰出於楚太子建之子白公勝

楚殺白公其子奔秦代為名將乙丙已降是也裔孫白起

有大功於秦封武安君按白乙丙見於僖之三十二年白

公之死則哀之十六年後白乙丙一百四十八年曾謂樂

天而不考古一至此哉唐宰相世系表以西乞術白乙丙為孟明之子尤誤

揚氏漢書揚人雄傳曰其先出自有周伯僑者以支庶食

采於晉之揚左傳揚字从木因氏焉揚在河汾之間周衰而湯氏

或稱侯號曰揚侯會晉六卿爭權韓魏趙興而范中行知

伯弊當是時偏揚侯揚侯逃於楚巫山因家焉此誤以揚

侯與楊食我為一人也唐書宰相世系表曰楊氏出自姬

姓周宣王子尚父封為揚侯又云晉之公族食邑於羊舌

左傳正義引世族譜云羊舌其所食邑名凡三縣一曰銅鞮二曰楊氏三曰平

陽羊舌四族叔向食采楊氏其地平陽楊氏縣是也及晉

滅羊舌氏而叔向子孫逃于華山仙谷遂居華陰用修據

此以楊陽揚羊四姓為一尤誤按楊城即今之洪洞縣本

楊侯國左氏女叔侯所云霍楊韓魏皆姬姓也襄二十而

子雲反離騷亦云有周氏之嬋媯兮或鼻祖於汾隅靈宗

初謀伯僑兮流于末之揚侯不知其字何以為揚及其滅

於晉而為大夫羊舌氏邑則食我始見於傳而楊朱與老

子同時又非羊舌之族也陽氏則以國為氏以邑為氏皆

不可知胡三省曰春秋閔公二年齊高偃帥師納北燕伯于

陽是邑名晉有陽處父乃在叔向之前而楚之陽句魯之陽虎

曾子弟子有陽膚非一陽也宋之羊斟邾之羊羅非一羊也安得

謂陽為平陽羊為羊舌而竝附之叔向乎

段氏後漢書段熲其先出鄭其叔段古人無以祖父名為

氏者凡若此類皆不通之說按段氏當出自段干史記老

子之子名宗宗為魏將封於段干唐書世系表封於魏世

段為干木大夫謬家有段干木段干子田完世家有段干明

褚氏唐宰相世系表云出自子姓宋其公子段字子石食

采于褚其德可師號曰褚師按褚師乃官名不獨宋有此

官鄭亦有之昭公二年鄭公孫黑請以印為褚師是也衛

亦有褚師聲子

賀氏晉書賀循傳曰會稽山陰人也其先慶普漢世傳禮

所謂慶氏學族高祖純安帝時為侍中避安帝父清河諱

改為賀氏宋史賀鑄自言出王子慶忌居越之湖澤所謂

鏡湖乃慶湖也見鑄本傳然按古但有以王父字為氏無

以名為氏者慶忌名也不得為氏而鏡湖本名鑑湖慶古

音羗聲不相近若齊之慶氏居吳朱方見於左傳後人以

慶封有弒君之惡諱之而欲更其祖其不及宋司馬華孫

遠矣水經注有賀臺越入吳還而成之故號曰賀臺苟欲

改鏡而為慶邪

刀氏復古編云姓譜以為齊大夫豎刀之後胡三省曰豎

刀安得有後漢青貨殖傳有刀間愚按古書刀與貂通齊

襄王時有貂勃

寇氏姓譜出自武王弟康叔為周司寇後人因以氏焉按

康叔為衛國之祖必無以王官氏其支庶之理此乃衛之

司寇左傳哀二十五年有司寇亥即寇氏之祖也檀弓有

司寇惠子

○孔顏孟三氏

今之顏氏皆云克國之裔考仲尼弟子列傳有顏幸顏高

顏祖顏之僕顏喙顏何而孔子於衛主顏雝由此六人與

雝由皆無後乎今之孔氏皆云夫子之裔春秋齊有孔廸

衛有孔達陳有孔寧鄭有孔叔孔張此四族者皆無後乎

且夫子出於宋為子姓而鄭姬姓陳媯姓衛姑姓哀十一年孔姑

可合而為一乎史記貨殖傳宛孔氏之先梁人也用錢冶陽大冶

顏魯公作家廟碑云其先出於顓頊之孫祝融融孫安為

曹姓其裔邾武公名夷甫字顏子友別封邾為小邾子遂

以顏為氏多仕魯為卿大夫按左傳襄十九年齊侯娶于

魯曰顏懿姬其姪鬻聲姬註曰顏鬻皆姬母姓當云則顏

之為姬姓為魯族審矣姓譜曰顏姓本自魯伯禽支其出

於邾之說本自圈稱葛洪蓋徒見公羊於邾有顏公之稱

而不考之於左氏也昔之犁比公豈必為犁彌之祖乎公

傳謂邾婁顏淫九公子於宮中因以納賊周天子誅顏而反孝公子魯非隱公所盟之儀父不知何取於若人而以

祖之為

春秋時以孟為字者甚多今之孟氏皆祖子與前代亦未

之有也魏書孟表濟北蛇丘人自云本屬北地號索里諸

孟古時孟姓亦或與芒通史記秦本紀擊芒卯華陽索隱引譙周云孟卯也淮南子孟卯註引戰國策曰芒卯也

元史孔思晦傳五季時孔末之後方盛欲以偽滅真害豈

聖子孫幾盡至是其裔復欲冒稱宜聖後思晦以為不早

辨則真偽久益不可明彼與我不其戴天乃列于族與其

拜殿庭可乎遂會族人斥之而重刻宗譜于石然則今之

以孔姓而濫通譜牒者可以戒矣

○仲氏

漢濟陰太守孟郁修堯廟碑曰惟序仲氏祖統所出本繼

於姬周之遺苗天生仲山甫翼佐中興宣平功遂受封于
齊周道衰微失爵亡邦後嗣乖散各相土擇居帝堯萌兆
生長葬陵在於成陽聖化常存慕巍巍之盛樂風俗之美
遂安處基業屬都鄉高相里因氏仲焉以傳於今其陰刻
仲氏有名者三十餘人又廷尉仲定碑畧同漢時仲氏自
謂仲山甫之後託基於帝堯之陵而今則以爲孔子弟子
子路之後援顏曾孟之例而求爲五經博士矣然春秋之
以仲氏者不一而仲山甫未嘗封齊則漢人之祖山甫未
必是而今人之祖子路亦未必非也

○以國爲氏

古人之氏或以謚或以字或以官或以邑無以國爲氏者
其出奔他國然後以本國爲氏敬仲奔齊而爲陳氏是也
其他若鄭丹宋朝楚建郟甲之類皆是也不然則亡國之
遺胤也

今人姓同於國者多自云以國爲氏非也夏氏出於陳之
少西而非夏后氏之夏齊氏出於衛之齊惡而非齊國之
齊左氏史記其最著明者矣

秦董父非秦國之秦
狄虎彌非狄人之狄

○姓氏譜

姚寬西溪叢語曰姓氏之學莫盛於元和姓纂自南北朝
以官職相高沿至於唐崔盧李鄭糾紛可鄙若以聖賢所
本如媯姓子姓姬姓姜姓之類各分次其所從來以及春
秋所紀用世本苟况譜杜預公子譜爲法則唐虞三代列

國諸侯俱可成書此似太史公欲爲而未就者耳愚嘗欲以經傳諸書次之首列黃帝之子得姓者十二人次則三代以上之得國受氏而後人因以爲姓者次則戰國以下之見於傳記而今人通謂之姓者次則三國南北朝以下無所考者別爲一帙畧舉其目曰姓本第一封國第二氏北姓第五遼金元姓第六別第三秦漢以來姓氏合并第四代祿改姓第七無徵第八此則若網之在綱有條不紊而聖族五音之紛紛者皆無所用豈非反本類族之一大事故哉

漢劉向撰世本二卷其書不傳今左傳註疏多本之然亦未必無誤

○通譜

同姓通族見於史者自晉以前未有晉書石苞傳曾孫樸没于寇石勒以與樸同姓俱出河北引樸爲宗室特加優寵位至司徒南史侯瑱傳侯景以瑱與已同姓託爲宗族待之甚厚此以殊族而附中國也晉書孫旂傳旂子弼及弟子髦輔琰四人竝有吏材稱於當世遂與孫秀合族南史周弘正傳諂附王偉與周石珍建康之斯隸也爲合族梁制局監隆侯景舊唐書李義甫傳義甫既貴之後自言本出趙郡始與諸李叙昭穆而無賴之徒苟合藉其權勢拜伏爲兄叔者甚衆李輔國傳宰相李揆山東甲族見輔國執子弟之禮謂之五父此以名門而附小人也凡此史皆書之以志其非

今人好與同姓通譜不知於史傳居何等也

北人重同姓多通譜系南人則有比隣而各自爲族者宋書王仲德傳北土重同姓謂之骨肉有遠來相投者莫不竭力營贍仲德聞王愉在江南是太原人乃往依之愉禮之甚薄魏書崔立伯傳崔寬自隴右通款見司徒浩浩與相齒次厚撫之及浩誅以遠來踈族獨得不坐遂家於武城以一子繼浩弟覽妻封氏相奉如親北史杜銓傳初密太后杜氏父豹喪在濮陽太武欲令迎葬于鄴謂司徒崔浩曰天下諸杜何處望高朕意欲取杜中長老一人以爲宗正令營護凶事浩曰京兆爲美中書博士杜銓其家今在趙郡是杜預後於今爲諸杜最召見銓以爲宗正令與杜超子道生送豹喪葬鄴南銓遂與超如親超謂銓曰旣是宗正何緣僑居趙郡乃延引同屬魏郡南史韋鼎傳陳亡八隋時吏部尚書韋世康兄弟顯貴文帝從容謂鼎曰世康與公遠近對曰臣宗族南徙昭穆非臣所知帝曰卿百代卿族豈忘本也命官給酒肴遣世康請鼎還杜陵鼎乃自楚太傅孟以下二十餘世並考論昭穆作韋氏譜七卷示之歡飲十餘日乃還

近日同姓通譜最爲濫襍其實皆植黨營私爲蠹國害民之事宜嚴爲之禁欲合宗者必上之於官使諸悉古今者爲之考定歲終以達禮部而類奏行之其不請而私通者屏之四裔然後可革其弊古之姓氏有專官掌之國語曰

使名姓之後能知上下之神祇氏姓之所出者爲之宗又曰司商協名姓春官宗伯其屬有都宗人家宗人而女官亦有內宗外宗今日姓氏昏姻二事似宜專設一官方得教民之本

氏族之亂莫甚於五代之時當日承唐餘風猶重門蔭故史言唐梁之際仕宦遭亂奔亡而吏部銓文書不完因緣以爲姦利至有私鬻告敕亂易昭穆而季父母舅反拜姪

甥者豆盧革傳册府元龜長興初鴻臚卿柳膺將齋卽文書兩

件賣與同姓人柳居則大理寺斷罪當大辟以遇恩赦減死奪見任官罰銅終身不齒勅曰一人告身三代名諱傳於同姓利以私財上則欺罔人君下則貨鬻先祖罪莫大

焉自今以後如有此弊傳者受者竝當極法今則因循廢叙遂弛禁防五十年來通譜之俗徧於天下自非明物察倫之主亟爲澄別則滔滔之勢將不可反矣

唐朝已前最重譜牒如新唐書言河南劉氏本出匈奴之後劉庫仁柳城李氏世爲契丹酋長營州王氏本高麗之類此同姓而不同族也又如魏書高陽王雍傳言博陵崔顯世號東崔地寒望劣此同族而不同望也故高士廉傳言每姓第其房望雖一姓中高下懸隔

異姓稱族自漢以來未有此事杜子美寄族弟唐十八使君詩云與君陶唐後盛族多其人聖賢冠史籍枝派羅源津則杜與唐爲兄弟矣重送劉十弟判官詩云分源豈韋

派別浦鴈賓秋年事推兄忝人才覺弟優則杜與劉為兄
弟矣韓文公送何堅序亦云何於韓同姓為近容齋三筆引孫緬唐

韻曰韓滅子孫分散江淮間因以韓為何字隨音變遂為何氏按詩揚之水一章言戊申

二章言戊甫三章言戊許孔氏曰言甫許者以其俱為姜

姓既重章以變文因借甫許以言申其實不戊甫許也六

國時秦趙同為嬴姓史記漢書多謂秦為趙亦此類也史記

秦本紀太史公曰秦以其先造父封趙城為趙氏陸賈傳秦任刑法不變卒滅趙氏索隱曰案韋昭云秦伯驪後與

趙同出蜚廉造父有功周穆王封之趙由此一姓趙氏漢書武五子傳趙氏無炊火焉韋昭曰趙秦之別氏南越傳

蒼梧秦王晉灼曰秦王即趙先也趙本與秦同姓故曰秦王淮南子亦稱秦始皇為趙政三國志陳思王上疏絕纓

盜馬之臣赦楚趙以濟其難注秦穆公有赦盜馬事趙則未聞蓋以秦亦趙姓文選王融策秀才文訪游禽於絕澗

作霸秦基李善註引韓非子所載趙董闕于事而云史記曰趙氏之先與秦其祖以其其祖故雖趙亦號曰秦又左

思魏都賦二嬴之所曾聆李善註秦穆公趙簡子史記趙氏之先與秦同祖故曰二嬴也崧高言生甫

及申孔氏曰此詩送申伯而及甫侯者美其上世俱出四

嶽故連言之今人之於同姓幾無不通譜何不更廣之於

異姓而以子美退之為例也

李華淮南節度使崔公頌德碑云惟申伯翼宣王登南邦

興周室小白率諸侯征楚翟奉王職與崔公汗德同勳皆

姜姓也

開元十九年於兩京置齊太公廟建中初宰相盧杞京兆

尹盧諶以盧者齊之裔乃鳩其裔孫若崔盧丁呂之族合

錢以崇飾之

元吳澂送何友道游萍鄉序云袁柳撫何二族各以儒官

著而其初實一姬姓文之昭由魯之展而為柳武之穆由
晉之韓而為何氏不同而姓同

宋邵伯溫聞見錄云司馬溫公一日過康節先生謁日程
秀才既見則溫公也問其故公笑曰司馬出程伯休父

○二字姓改一字

古時以二字姓改爲一字者如馬官本姓馬矢改爲馬唐
憲宗名純詔姓淳于者改姓于唐宰相世系表鍾離昧二
子次日接居潁川長社爲鍾氏見之史册不過一二自洪
武元年詔口服口語口姓一切禁止如今有呼姓本呼延
乞姓本乞伏皆明初改而并中國所自有之複姓皆去其
一字氏族之紊莫甚於此且如孫氏有二衛之良夫楚之

叔敖竝見於春秋而公孫叔孫長孫士孫王孫之類今皆

去而爲孫與二國之孫合而爲一而其本姓遂亡公羊公

沙公乘之類則去而爲公母丘母將之類則去而爲母而

其本姓遂亡司徒司空之類

唐玄宗御注孝經碑未有司
徒巨源李邑婆羅樹碑未有

司徒立藺宋開寶商中宗廟碑翰林待詔司徒儼
書宋史趙逢傳有禮部侍郎集賢殿學士司徒翽則去而
爲司司馬氏則去而或爲司或爲馬而司馬之僅存於代

者惟溫公之後所以然者蓋因儒臣無學不能如魏孝文

改代北之姓一一爲之條理而聽其人之所自爲也然口

姓之改不始於是時唐書阿史那忠以擒頡利功拜左屯

衛將軍妻以宗女定襄縣在賜名爲忠單彌史氏韓文公

集賢院校理石君墓誌云其先姓烏石蘭從拓跋魏氏入

夏居河南遂去烏與蘭獨姓石氏劉靜修古里氏名字序

云吳景初本姓古里氏以女真諸姓今各就其近似者易

從中國姓故古里氏例稱吳則固已先之矣肅宗上元二年詔氏姓與

俗諱及隱疾同聲者宜改與本族望所出金世宗大定

十三年五月戊戌禁女直人毋得混為漢姓今完顏氏皆

去完而為顏惟曲阜不敢

冒完國之姓特稱完氏

章丘志言洪武初翰林編修吳沈奉旨撰千家姓得姓一

千九百六十八而此邑如木如馮尚未之錄廣韻馮字下

註云齊大夫

名今訪之木姓有三四百丁自云金丞相木虎高琪之後

土人呼木為張一反按金史

木虎漢姓曰董今則但為木姓

蓋二字改為一字者而撰

姓之時尚未登於黃冊也以此知單姓之改竝在明初以

後而今代山東氏族其出於金元之裔者多矣

洪武元年禁不得口姓者禁中國人之更為口姓元時有此俗

非禁口人之本姓也三年四月甲子詔曰天生斯民族屬

姓氏各有本原古之聖王尤重之所以別昏姻重本始以

厚民俗也朕起布衣定群雄為天下主已嘗詔告天下蒙

古諸色人等皆吾赤子果有材能一體擢用比聞八仕之

後或多更姓名朕慮歲久其子孫相傳昧其本原非先主

致謹氏族之道中書省其告諭之如已更易者聽其改正

可謂正大簡要至九年三月癸未以火你赤為翰林蒙古

編修更其姓名曰霍莊

北音讀霍如火

蓋亦倣漢武賜日磾姓金

之意然漢武取義於休屠王祭天金人亦以中國本無金

姓也今中國本有霍姓而賜之霍則與周霍叔之後無別

矣况其時又多不奉旨而自爲姓者其年閏九月丙午淮安府海州儒學正曾秉正言臣見近來蒙古色目人多改爲漢姓與華人無異有求仕入官者有登顯要者有爲富商大賈者非我族類其心必異宜令復姓庶可辨識又臣前過江浦見塞外之俘累累而有江統徙戎之論不可不防至永樂元年九月庚子上謂兵部尚書劉儁曰各衛韃靼人多同名宜賜姓以別之於是兵部請如洪武中故事編置勘合給賜姓氏按洪武中勘合賜姓實錄不載惟十六年二月故元雲南右丞觀音保降賜姓名李觀又宣宗實錄丑間洪武二十一年來歸賜姓名李賢從之三年七月賜把都帖木兒名吳允誠倫都兒灰名柴秉誠保任名楊效誠自此遂以爲例而華宗上姓與旃裘之種相亂惜乎當日之

君子徒誦用夏變夷之言而無類族辨物之道使舉籍舊人之來歸者賜以漢姓所無不妨如拓跋宇文之類二字爲姓則既不混於古先帝王氏族神明之胄而又使百世之下知昭代遠服四裔其得姓於朝者凡若干族豈非曠代之盛舉哉

○北方門族

杜氏通典言北齊之代瀛冀諸對清河張宋并州王氏濮陽侯族諸如此輩近將萬室北史薛胤傳爲河北太守有韓馬兩姓各二千餘家今日中原北方雖號甲族無有至千丁者戶口之寡族姓之衰與江南相去幾絕其一登科第則爲一方之雄長而同譜之人至爲之僕役此又風俗

之敝自金元以來凌夷至今非一日矣

○冒姓

今人多有冒母家姓者漢書外戚恩澤侯表扶柳侯呂平以皇太后姊長姁子侯師古曰平既呂氏所生不當姓呂蓋史家唯記母族也按是時太后方封呂氏故平以姊子冒呂姓而封耳唐書天后紀聖曆二年臘月賜皇太子中宗姓武氏然則有天子而令之冒母姓者與

漢書景十三王傳趙王彭祖取江都易王寵姬王建所姦淖姬者甚愛之生一男號淖子晉書會稽王道子傳許榮上疏言今臺府局吏直衛武官及僕隸婢兒取母之姓者本臧獲之徒無鄉邑品第是知冒母為姓皆人倫之所鄙

賤然亦有帝子而稱母姓者如栗太子衛太子史皇孫之

類則以其失位而名之也外戚傳上憐許太子蚤失母蓋霍后時人稱之

呂平以太后姊長姁子侯此冒母姓之始夏侯嬰傳曾孫頗尚主王隨外

家姓號孫公主故滕公子孫更為孫氏此冒外祖母姓史記灌夫傳父張孟為潁陰

侯嬰舍人得幸因進之至二千石故蒙灌氏姓為灌孟大

宛傳堂邑氏故口奴甘父漢書誼服虔曰堂邑姓也漢人

其奴名甘父師古曰堂邑氏之奴本口人名甘父下云堂

邑父者蓋取主之姓以為氏而單稱其名曰父此冒王姓

之始新唐書元載父景昇為曹王明妃元氏掌田租請于妃冒為元氏

○兩姓

漢書百官表建昭三年七月戊辰衛尉李延壽為御史大

夫一姓繁

○古人二名止用一字

晉侯重耳之名見於經而定四年祝佗述踐土之盟其載書止曰晉重豈古人二名可但稱其一與昭二年莒展與出奔吳傳曰莒展之不立晉語曹僖負羈稱叔振鐸為先君叔振亦二名而稱其一也

昭二十一年蔡侯朱出奔楚穀梁傳作蔡侯東出奔楚乃

為之說曰東者東國也

東國隱太子之子平侯廬之弟朱叔父也

何為謂之東

也王父誘而殺焉父執而用焉奔而又奔之曰東惡之而

貶之也然則以削其一名為貶也

定六年季孫斯仲孫忌帥師圍鄆杜氏註何忌

不言何

關文

王莽孫宗得罪自殺復其本名會宗貶厥爵改厥號是又以增其一名為貶也

班固幽通賦發還師以成命兮重醉行而自耦潘岳西征賦重戮帶以定襄弘大順以霸世文公名止用一字本於踐土載書却非翦截古人名字之比至岳為關中詩云紛紜齊萬亦孔之醜馬汧督誅云齊萬孝闕震驚台司則不通矣豈有以齊萬年為齊萬者邪若梁王彤為征西大將軍而詩云桓桓梁征尤不成語

班固幽通賦巨滔天而泯夏王莽字巨君止用一巨字王

逸九思管束縛兮桎梏百貿易兮傳賣音賣遭桓繆兮識舉

才德用兮列施百里奚止用一百字此體後漢人已開之

矣

呂氏春秋干木光乎德去段字

今本呂氏卷秩有段字

借誓來革順

忘而用國去惡字此為翦截名字之祖

文中竝稱兩人而一氏一名尤為變體杞殖華還二人也

而淮南子稱為殖華賈誼新書使曹勃不能制曹曹參勃

周勃也史記孟子荀卿傳管嬰不及管仲嬰晏嬰也司

馬遷報任安書周魏見辜周周勃魏魏其侯竇嬰也楊雄

長楊賦乃命驃衛驃驃騎將軍霍去病衛大將軍衛青也

杜欽傳覽宗宣之饗國韋昭曰宗殷高宗也宣周宣王也

徐樂傳名何必夏子俗何必成康服虔曰夏禹也子湯也

湯子姓班固幽通賦周賈盪而貢憤周莊周賈賈誼也漢

岸彰長碑云喪父事母有柴穎之行柴高柴穎穎考叔也

夏侯湛張平子碑云同貫宰貢宰宰我貢子貢也風俗通

清擬夷叔卻正釋譏福夷叔之高懃傅子夷叔迂武王以

成名杜預遺令南觀伊雒北望夷叔陶潛詩積善云有報

夷叔在西山皆謂伯夷叔齊漢廣漢屬國侯李翊碑夷史

之高巴郡太守樊敏碑有夷史之直皆謂伯夷史魚陶潛

讀史述九章程杵是程嬰公孫杵白新唐書尉遲敬德傳

隱巢是隱太子巢刺王一諡一爵

○古人諡止稱一字

古人諡有二字三字而後人相沿止稱一字者衛之獻聖

武公止稱武公貞惠文子止稱公叔文子晉趙獻文子止

稱文子

檀弓晉獻文子成室註謂晉君獻之廬陵胡氏曰或趙武謚獻文爾

魏惠成王止稱

惠王楚項襄王止稱襄王秦惠文王止稱惠王悼武王止

稱武王昭襄王止稱昭王莊襄王止稱莊王韓昭釐侯止

稱昭侯宣惠王止稱宣王趙悼襄王止稱襄王漢諸葛忠

武侯止稱武侯

○稱人或字或爵

顏會思孟三人皆氏而思獨字以嫌於夫子也樊鄴絳灌

三人皆姓而勃獨爵以功臣周姓者多也

汾陰侯呂隆慮

鄒成侯綜高景侯成博陽侯聚皆周姓

師古引楚漢春秋謂別有一人名絳灌者非

史記垓下之戰孔將軍居左費將軍居右孔將軍蓼侯孔

聚也費將軍費侯陳賀也費獨以爵者以功臣陳姓者多

也

博陽侯鼻曲逆侯平堂邑侯嬰陽夏侯稀棘蒲侯武川陽侯涓高胡侯夫乞復陽侯胥橐侯錯倚氏侯邀龍侯

署紀信侯倉皆陳姓

○子孫稱祖父字

子孫得稱祖父之字子稱父字屈原之言朕皇考曰伯庸

是也孫稱祖字子思之言仲尼祖述堯舜是也

朱子曰古

字程先生云子年十四五從周茂叔本朝先輩尚如此伊川亦嘗呼明道字

儀禮筮宅之辭曰哀子某為其父某甫筮宅又曰哀子某

來日某卜葬其父某甫字父也虞祭之祝曰適爾皇祖某

甫卒哭之祝曰哀子某來日某濟祔爾于爾皇祖某甫卒

祖也祔祭之祝曰適爾皇祖某甫以濟祔爾孫某甫兩室

之也

字爲臣子所得而稱故周公追王其祖曰王季王而兼宗
○已祧不諱

冊府元龜唐憲宗元和元年禮儀使奏言謹按禮記曰既
卒哭宰夫執木鐸以命于宮曰舍故而諱新此謂已遷之
廟則不諱也今順宗神主升祔禮畢高宗中宗神主上遷
請依禮不諱制可

文宗開成中刻石經凡高祖太宗及肅代德順憲穆敬七
宗諱竝缺點畫高中睿玄四宗已祧則不缺文宗見爲天
子依古卒哭乃諱鄭氏曲禮註曰生者不相諱名故御名亦不缺

韓退之辯諱本爲二名嫌各立論而其中治天下之治却
犯正諱蓋元和之元高宗已祧故其潮州上表曰朝廷治

卒日久曰政治少懈曰巍巍治功曰君臣相戒以致至治
舉張行素曰文學治行衆所推平淮西碑曰大開明堂坐
以治之韓弘神道碑銘曰無有外事朝廷之治惟諱辯篇
中似不當用

漢時祧廟之制不傳竊意亦當如此故孝惠諱盈而說苑
敬慎篇引易天道虧盈而益謙盈字皆作滿在七世
之內故也班固漢書律曆志盈元盈統不盈之類一卷之
中字凡四十餘見何休註公羊傳曰言孫于齊者盈諱文
已祧故也若李陵詩獨有盈觴酒與子結綢繆枚乘柳賦
盈玉縹之清酒載古文苑又詩盈盈一水間載玉臺新詠二人皆在
武昭之世而不避諱又可知其爲後人之擬作而不出於

西京矣

李陵詩不當用盈字容齋隨筆論之

後唐明宗天成四年中書門下奏少帝册文內有基字是
立宗廟諱尋常詔勅皆不迴避少帝是繼世之孫册文內
不欲斥列聖之諱今改為宗字

宋史紹興三十二年五月禮部太常寺言欽宗耐廟翼祖
當遷以後翼祖皇帝諱依禮不諱詔恭依

謝肇淪曰宋真宗名恒而朱子於書中恒字獨不諱蓋當
寧宗之世真宗已祧

崇禎三年禮部奉旨頒行天下避太祖成祖廟諱及孝武
世穆神光熹七宗廟諱正依唐人之式惟今上御名亦須
迴避蓋唐宋亦皆如此觀漢宣帝之詔知當時已避天子之名然止避下一

字而上一字天子與親王所居則不諱

○皇太子名不諱

册府元龜唐王紹為兵部尚書紹名初與憲宗同憲宗時
為廣陵王順宗即位將册為皇太子紹上言請改名議者

或非之曰皇太子亦人臣也

漢魏故事皇太子稱臣晉咸寧中議除此制學虞以為孝

經資於事多以事君義兼臣子則不嫌於稱臣詔令依舊

東宮之臣當請改爾奈何非

其屬而遽請改名豈為以禮事上邪左司員外郎李藩曰
歷代故事皆自不識大體之臣而失之因不可復正無足
怪也

三國志註言魏文帝為五官中郎將賓客如雲邴原獨不
往太祖徵使人問之原答曰吾聞國危不事家宰君老不

奉世子萬曆中年往往有借國本之名而以爲題目者得無有愧其言

唐中宗自房州還復立爲皇太子左庶子王方慶上言太子皇儲其名尊重不敢指斥晉尚書僕射山濤啟事稱皇太子而不言名朝官猶尚如此宮臣諱則不疑今東宮殿及門名皆有觸犯臨事論啟迴避甚難孝敬皇帝爲太子時改弘教門爲崇教門沛王爲皇太子改崇賢館爲崇文館皆避名諱以遵典禮伏望依例改換制從之史臣謂方慶欲尊太子以示中興之漸然則方慶之言蓋有爲言之也

有明之制太子親王名俱令迴避蓋失之不改古也崇禎二年兵部主客司主事貝煨以避皇太子名改名世壽而光宗爲太子河南府及河州屬縣竝未嘗改

實錄言洪武十四年十一月辛酉給事中鄭相同請依古制凡啟事皇太子惟東宮官屬稱臣朝臣則否以見尊無二上之義詔下群臣議翰書院編修吳沈言太子所以繼聖體而承天位者也尊敬之體宜同從之歷代不稱臣之制自斯而變

親王之名尤不必諱而亦諱之正統十二年山西鄉試詩經題內維周之楨楨字犯楚昭王諱考試及同考官俱減俸一月

○二名不偏諱

同云通典載高宗
亦有詔不諱父氏
治心者引及焉也
晉祠有唐太宗見
載二十年碑
我者曰行所臣
姓名內有李勣已
去世字單稱勣是
太宗在日已此不
待亦初也
留心在石字
未詳考及牛卯

二名不偏諱宋武公名司空改司空為司城是其證也
杜氏通典大唐武德九年六月太宗居春宮總萬機下令
曰依禮二名不偏諱其官號人名及公私文籍有世及民
兩字不連讀者並不須諱避唐書高宗紀貞觀二十三年
七月丙午改治書侍御史為御史中丞諸州治中為司馬
別駕為長史治禮部為奉禮部以避土名上以貞觀初不
諱先帝二字有司奏曰先帝二名禮不偏諱上既單名臣
子不合指斥上乃從之通典又言太宗時二名不連者
並不諱至玄宗始諱之然永徽初
已改民部為戶部而李世勣已去世字單稱勣矣又按
隋書修於太宗時而中間多有改世為代改民為人者此
唐人偏諱之始然亦有不盡然者經籍志四民月令作四
人而齊民要術仍民字是亦漢書註所云史駁文者也
章懷太子註後漢書亦有并其本文而改
之者如胡廣傳詩美先人詢于芻蕘之類

後唐明宗名嗣源天成元年六月勅曰古者酌禮以制名
懼廢於物難知而易諱貴便於時况徵彼二名抑有前例
太宗文皇帝自登寶位不改舊稱時則臣有世南官有民
部靡聞曲避止禁連呼朕猥以眇躬託於人上祇遵聖範
非敢自尊應文書內所有二字但不連稱不得迴避若臣
下之名不欲與君親同字者任自改更務從私便庶體
懷

○嫌名

衛桓公名完楚懷王名槐古人不諱嫌名故可以為諡
韓文公諱辯言不諱濟勢秉機乃玄宗御刪定禮記月令
曰野雞入大水為蜃曰野雞始雉則諱雉以與治同音也

李林甫序曰璿樞玉衡以齊七政則諱璣德宗九月九日
賜曲江宴詩時此萬樞暇適與佳節并則諱機以與基同
音也南史劉秉不稱名而書其字曰彥節則諱秉以與曠
同音也又如武后父諱上夔而孫處約改名茂道韋仁約
改名思謙睿宗諱旦而張仁直改名仁愿玄宗諱隆基而
劉知幾改名子玄箕州改名儀州即今遼州德宗諱适而舌州
改名處州順宗諱誦而關訟律改為關競憲宗諱純凡姓
淳于者改姓于唯監察御史韋淳不改既而有詔以陸淳
為給事中改名質淳不得已改名處厚而懿宗以南詔舊
龍名近玄宗諱遂不行册禮則退之所言亦未為定論也
唐自中葉以後即士大夫亦諱嫌名故舊史以韓愈為李
賀作諱辯為紕繆而賈曾傳則曰拜中書舍人曾以父名
忠固辭議者以為中書是曹司名又與曾父名音同字別
於禮無嫌曾乃就職懿宗紀則曰咸通二年八月中書舍
人衛洙奏狀稱蒙恩除授滑州刺史官號內一字與臣家
諱音同請改授開官勅曰嫌名不諱著在禮文成命已行
固難依允是又以為不當諱也

册府元龜咸通十二年分司侍御史李谿進狀曰臣准西
臺牒及金部稱奉六月二十七日勅內園院郝景全事奏
狀內訟字音與廟諱同奉勅罰臣一季俸者臣官位至卑
得蒙罰俸屈與不屈不合有言而事關理體若便隱默恐
負聖時願陛下寬其罪戾使得盡言臣前奏狀稱准勅因

事告事旁訟他人是咸通十一年十月十三日勅語臣狀中具有准勅字非臣自撰辭句臣謹按禮不諱嫌名又按職制律諸犯廟諱嫌名不坐註云謂若禹與雨疏云謂聲同而字異註疏重複至易分曉伏惟皇帝陛下明過帝堯孝踰大舜豈自發制勅而不避諱哉故是審量禮律以爲無妨耳即引陛下勅文而言不敢擅有移改不謂內園便有此論奏也臣非敢訴此罰俸也恐自此有援引勅格者亦須委曲迴避便成訛弊臣聞趙充國爲將不嫌伐一時事以爲漢家後法魏徵爲相不存形迹以致貞觀太平臣雖未及將相忝爲陛下持憲之臣豈可以論俸爲嫌而使國家勅命有誤也願陛下留意察納別下明勅使自後童

奏一遵禮律處分則天下幸甚勅免所罰

唐元宗初名璟避周信祖廟諱改名景是不諱嫌名

按嫌名之有諱在漢末之聞晉羊祜爲都督荊州諸軍事及薨荊州人爲祜諱名室戶皆以門爲稱改戶曹爲辭曹此諱嫌名之始也

後魏地形志天水郡上邽縣犯太祖諱改爲上封魏太祖名珪

宋代制於嫌名字皆避之禮部韻畧凡與廟諱音同之字皆不收太祖諱匡胤十陽部去王切一十三字二十一震部羊晉切一十一字皆不收它皆倣此朱子周易本義姤卦下以故爲姤作故爲遇避高宗嫌名也

宋板書貞字完字多是缺筆貞

音同顧仁宗諱完音同桓欽宗諱雍錄豈不聞顏氏家

訓所云呂尚之兒如不為上趙壹之子儻不作一便是下

筆即妨是書皆觸者乎金章宗泰和元年七月已芒初禁廟諱同音字蓋亦倣宋制也

明代不諱嫌名如建文年號是也

以諱改年號

唐中宗諱顯玄宗諱隆基唐人凡追稱高宗顯慶年號多

云明慶永隆年號多云永崇趙元昊以父名德明改宋明

道年號為顯道而范文正公與元昊書亦改後唐明宗為

顯宗杜氏通典釋法明游天竺記明下有國諱改焉四字當是小註今本連作大文

○前代諱

孟蜀所刻石經於唐高祖太宗諱皆缺書石晉相里金神

道碑民珉二字皆缺末筆南漢劉巖尊其父謙為代祖聖

武皇帝猶以代字易世至宋益遠矣而乾德三年卜諱伏

羲女媯廟碑民珉二字咸平六年孫冲亨絳守岩園池記

碑民珉二字皆缺末筆其於舊君之禮何其厚與予至西安見宋

咸平二年夢英自書篆書目錄備旁字源序立于文宣王廟者稱長安為故都而唐字跳行蓋歎昔人之厚其時唐

之亡已九

十三年矣楊阜魏明帝時人也其疏引書協和萬國猶避漢高祖諱

韋昭吳後主時人也其解國語凡莊字皆作嚴猶避漢明

帝諱唐長孫無忌等撰隋書易忠節傳以誠節稱苻堅為

苻永固亦避隋文帝及其考諱後漢應劭作風俗自古相

傳忠厚之道如此今人不知之矣

元移刺廸為常州路總管刻其所點四書章句或問集註其凡例曰凡序註或問中題頭及空處竝存其舊以見當時忠上之意如宋德隆盛之類近歲新刊大學衍義亦然時天曆元年也資治通鑑周太祖世宗紀太祖皇帝皆題頭至今仍之孟子見梁襄王章末註蘇氏曰予觀孟子以來自漢高祖及光武及唐太宗及我太祖皇帝能一天下者四君太祖上空一字永樂中修大全於其空處添一宋字後人之見與前人相去豈不遠哉

○名父名君名祖

金滕周公之祝辭曰惟爾元孫某左傳苟偃濟河而禱稱淮南子曰會臣彪名君也祝則名君左傳楚子圍宋申犀見王稱無

畏知登對楚王稱外臣首鄢陵之戰樂鉞曰書退名父也華耦來盟稱君之先臣督樂盈辭于周行人曰陪臣書曰其子鷹名祖若父也

○弟子名師

論語長沮曰夫執輿者為誰子路曰為孔丘孟子樂正子入見曰君奚為不見孟軻也是弟子而名師也

○同輩稱名

古人生不諱名同輩皆面呼其名書周公若曰君與禮記曾子問篇老聃曰丘檀弓篇曾子曰商論語微生畝謂孔子曰丘是也

○以字為諱

古人敬其名則無有不稱字者顏氏家訓曰古者名以正體字以表德名終則諱之字乃可以為孫氏孔子弟子記事者皆稱仲尼子貢曰仲尼日月也魏鶴山云儀禮子孫於祖禰皆稱字呂后微時嘗字高祖為季漢袁種字其叔父盎曰絲王丹與侯霸子語字霸為君房江南至今不諱字也河北士人全不辨之故有諱其名而并諱其字者三國志司馬朗傳年九歲入有道其父字者朗曰慢人親者不敬其親者也客謝之常林傳年七歲有父黨造門問林伯先在否林不答客曰何不拜林曰雖當下拜臨子字父何拜之有晉書儒林劉兆傳嘗有人著鞞騎驢至兆門外曰吾欲見劉延世兆儒德道素青州無稱其字者門人大怒兆曰聽前舊唐書韓愈傳拜中書舍人有不悅愈者言愈前左降為江陵掾曹荆南節度使裴均館之頗厚近者均子鏐還省父愈為序鏐鏐仍呼其字此論喧於朝列坐是改太子右庶子至於山陽公載記言馬超降蜀嘗呼先王字關羽怒請殺之此則面呼人王之王字又不可以常儕論矣

○自稱字

漢書註張安曰匡衡少時字鼎世所傳衡與貢禹書上言衡敬報下言匡鼎白南史陶弘景自號華陽隱居人問書札即以隱居代名此自稱字之始也

東觀餘論言古人或有自稱字者王右軍敬謝帖云王逸少白廬山遠公集盧循與遠書云范陽盧子先叩首柳少

師與弟帖云誠懸至今按唐權德輿答楊湖南書稱載之
再拜柳冕答鄭衢州書稱敬叔頓首白居易與元九書稱
樂天再拜宋陳搏謁高公詩稱道門弟子圖南士

唐張謂長沙風土碑銘有唐八葉元聖六載正言待理湘

東張洗濟瀆廟祭器幣物銘濯纓不才謬領茲邑元稹作

白氏長慶集序自書曰微之序乃是作文自稱其字

自稱其字不始於漢人家父吉甫寺人孟子之詩已先之

矣

○人主呼人臣字

漢高帝曰運籌策帷帳之中決勝千里之外吾不如子房

張良景帝曰天下方有急王孫竇嬰寧可以讓邪皆人主

呼人臣字也

晉以下人主於其臣多不呼名南史梁蔡樽為吏部尚書

侍中武帝嘗設大臣麤樽在坐帝頻呼姓名樽竟不答食

麤如故帝覺其負氣乃改喚蔡尚書樽始放筋執笏曰爾

帝曰卿向何聾今何聰對曰臣預為右戚且職在納言陛

下不應以名垂喚帝有慙色文選范雲表稱乃祖玄平李

平魏書江式表稱臣亡又南朝人如王敬弘王仲德王景

文謝景仁北朝人如蕭世怡李元操之輩名犯帝諱即以

字行不復更名宋褚叔茂張叔茂名與太和諱同以字行

因之周韋叔裕字孝寬以魏王昕對汝南王悅自稱元

景北齊祖珽對長廣王湛自稱孝徵隋崔頤答豫章王啟

字行魏書多稱揚遵彥

自稱祖濬王貞答齊王暕啟自稱孝逸而唐太宗時如封
倫房喬高儉尉遲恭顏籀竝以字為名蓋因天子常稱臣
下之字故爾其時堂陛之間未甚濶絕君臣而有朋友之
義後世所不能及矣

因話錄文宗對翰林諸學士因論前代文章裴舍人素數
道陳拾遺名柳舍人環目之裴不覺上顧柳曰他字伯玉
亦應呼陳伯玉

○兩名

禮記正義公羊說春秋譏二名謂二字作名若魏曼多也
公羊傳春秋以仲孫何忌為仲孫忌左氏說二名者楚公
魏曼多為魏多皆謂譏二名而去之子棄疾弒其君即位之後改名為居是為二名許慎謹案

云文武賢臣有散宜生蘇忿生則公羊之說非也

白虎通古人之

名或兼或單春秋譏二名乃謂其無常者也是用左氏說今按古人兩名見於經傳者

不止楚平王如晉文侯名仇而書云父義和楚靈王名圍
而春秋書弒其君虔于乾谿趙簡子名鞅而鐵之戰自稱
志父南宮敬叔名說一名緇字容又字括蜚廉石棺銘自
稱處父屈原名平其作離騷也名正則字靈均賈誼傳梁
王勝註李奇曰文三王傳言揖此言勝為有兩名

○假名甲乙

史記萬石君傳長子建次子甲次子乙次子慶甲乙非名
也失其名而假以名之也韓安國傳蒙獄吏田甲張湯傳
湯之客曰甲漢書高五王傳齊宦者徐甲嚴助傳閩越王

弟甲疑亦同此

孟嘗君傳田甲

任安傳某子甲何為不

來乎三國志註許攸呼魏太祖小字曰某甲卿不得我不

得冀州也左傳文十四年齊公子元不順懿公之為政也

終不曰公曰未已氏註猶言某甲

文選為齊明帝讓宣城

奉表以聞宣德皇后

令今遣某位某甲等

郡公表謹附某官某甲

漢書魏相傳中謁者趙堯舉春李舜舉夏兒湯舉秋貢禹

舉冬不應一時四人同以堯舜禹湯為名若有意撰而名

之者及讀急就章有二祖堯舜樂禹湯乃悟若此類皆古

人所假以名之也或曰高帝時實有趙堯然非謁者

蜀漢費禕作甲乙論設為二人之辭

世說云黃初中晉人

文字每多祖此虛設甲乙中書令張華造甲乙之問云甲

娶乙為妻後人娶丙博士弟子徐叔中服議以母為甲先

夫為乙後夫為丙先子為丁繼子為戊梁范縝神滅論有

張甲王乙李丙趙丁而關尹子云甲言利乙言害丙言或

利或害丁言俱利俱害關尹子亦魏晉間人所造之書也

先秦以土即有以甲乙為彼此之辭者韓非子罪生甲禍

歸乙伏怨乃結

○以姓取名

古人取名連姓為義者絕少近代人命名如陳王道張四

維呂調陽馬負圖之類榜目一出則此等姓名幾居其半

不知始自何年嘗讀通鑑至五代後漢有號州伶人靖邊

庭胡身之註曰靖姓也優伶之名與姓通取一義所以為

諛也靖邊庭亦見宋史田欽祚傳考之自唐以來如黃幡綽雲朝霞唐書

魏謩鏡新磨五代史伶官傳羅衣輕遼史伶官傳之輩皆載之史書益

信其言之有據也嗟乎以士大夫而效伶人之命名則自嘉靖以來然矣

以父名子

左傳成十六年潘廙之子名黨潘廙之子名黨也襄二十三年

申鮮虞之傳摯申鮮虞之子名傳摯也按儀禮特牲饋食

禮筮某之某為尸註曰某之某者字尸父而名尸也少牢饋食

禮亦此類也史記太史公自序維仲之者厥渙同王吳渙乃劉仲之子稱為厥渙

以夫名妻

左傳昭元年當武王邑姜方震大叔漢書杜欽傳皇太后

女弟司馬君力蘇林曰字君力為司馬氏婦南齊書周盤龍愛妾杜氏

上送金釵鑷二十枚手勅曰餉周公阿杜孔叢子衛將軍

文子之內子死復者曰臯媚女復子思聞之曰此女氏之

字非夫氏之名也婦人於夫氏以姓氏稱禮也

兼舉名字

史文有一人而兼舉名字如子玉得臣百里孟明視之類

已於左傳見之泉山庭若駢儷之文必無重出而亦

有一二偶見者無氏易林申公顛倒巫臣亂國劉琨答盧

諶詩宣尼悲獲麟西狩涕孔丘謝惠連秋懷詩雖好相如

達不同長卿慢沈約宋書恩倖傳論胡廣累世農夫伯始

致位公相黃憲牛醫之子叔度名動京師皆一人而兼舉

其名字也古詩誰能刻鏤此公輸與魯班下一與字竟以公輸魯班爲二人則不通矣

排行

兄弟二名而用其一字者世謂之排行如德宗德文義符義真之類起自晉末漢人所未有也水經注昔北平侯王譚不同王莽之政子興生五子竝避亂隱居光武卽帝位封爲五侯元才北平侯益才安喜侯顯才蒲陰侯仲才新市侯季才唐侯是後人追撰妄說東漢人二名者亦少

單名以偏旁爲排行始見於劉琦劉琮此後應璩應瑒衛瓘衛玠之流踵之而出矣

陳球傳二十瑀璠弟子珪著取偏旁不當與父同也

今人兄弟行次稱一爲大不知始自何時漢淮南厲王常

國之晉書玠乃璠之孫非弟也

謂上大兄孝文帝行非第一也

二人同名

有以二人同名而合稱之者左傳莊二十八年晉獻公之嬖梁五與東關嬖五晉人謂之二五耦戰國策杜赫謂楚王曰此用二忌之道也以齊田忌鄒忌爲二忌唐高宗顯慶二年詔曰蹤二起於吳白蓋倣此稱

字同其名

名字相同起於晉宋之間史之所載晉安帝諱德宗字德宗恭帝諱德文字德文會稽王道子字道子殷仲文字仲文宋蔡興宗字興宗齊顏見遠字見遠梁士僧儒字僧儒劉孝綽字孝綽庾仲容字仲容江德藻字德藻任孝恭字

孝恭師覺授字覺授北齊慕容紹宗字紹宗魏蘭根字蘭根後周王思政字思政辛慶之字慶之崔彥穆字彥穆之類至唐時尤多

藩鎮傳田緒字緒劉濟字濟此起家軍伍未曾立字如李載義辭未有字之比爾史家例以爲字非也且其文不可省乎

變姓名

古人變姓名多是避仇然亦有無所爲而變者范蠡適齊爲鴟夷子皮之陶爲朱公第五倫客河東自稱王伯齊梁鴻適齊姓運期名耀

生而曰諱

曰名死曰諱今人多生而稱人之名曰諱云生而稱諱見於石刻者甚衆因明孝宣元康二年詔曰其更諱詢以爲西漢已如此蜀志劉豹等上言聖諱豫覩諱靖等上言名諱昭著晉書高頴言范柏孫恂恂率道名諱未嘗經於官曹束皙勸農賦場功畢租輸至錄社長召閭師條牒所領注列名諱王褒洞簫賦李得諱爲洞簫兮李善註論者號也號而曰諱猶之名而曰諱者矣

生稱諱

漢書張敖傳呂后數言張王以魯元故不宜有此劉攽曰史家記事或有如此追言諱者史記貫高與張敖言謂帝爲高祖公羊傳公子盪與桓公言吾爲子口隱矣皆此類

公羊傳註論
者傳家所加

今按傳記中此例尚多如左氏傳石碣曰陳

桓公方有寵於王國語鮑國謂子叔聲伯曰子何辭苦成
叔之邑戰國策智過曰魏桓子之謀臣曰趙豈韓康子之
謀臣曰段規史記秦本紀晉文公夫人講曰繆公怨此三
人入於骨髓魯世家周公戒伯禽曰我文王之子武王之
弟成王之叔父宋世家華督使人宣言國中曰虜公即位
十年耳而十一戰楚世家國人每夜驚曰雩王入矣隨人
謝吳王曰昭王亡不在隨齊潛王遺楚王書曰令秦惠王
死武王立鄭世家莊公曰武姜欲之楚共王曰鄭威公孤
有德焉趙世家吳延陵季子使於晉曰晉國之政卒歸於
趙武子趙文子韓宣子魏獻子之後矣韓世家屈宜自曰

昭侯不出此門吳起傳公叔之僕曰君因先與武侯言仲
尼弟子傳子羔曰出公去矣而門已閉魯仲連傳新垣衍
謂趙王曰趙誠發使尊秦昭王爲帝褚先生補梁孝王世
家竇太后謂景帝曰安車大駕用梁孝王爲寄三王世家
戶滿意謂燕王曰今昭帝始立荀子周公謂伯禽之傳
曰成王之爲叔父呂氏春秋豫讓欲殺趙襄子其友謂之
曰以子之才而索事襄子淮南子先軫曰昔吾先君與繆
公交諸御鞅復於簡公曰陳成常宰子二子者甚相憎也
吳越春秋子胥曰報汝平王說苑景公曰善爲我浮桓子
也衛叔文子曰今我亦以往而簡子先以來並是生時不
合稱諡又如禮記曾子問孔子曰季桓子之喪衛君請弔

哀公辭不得命公爲主客入弔康子立於門右孔子沒時
哀公康子俱存此皆後人追爲之辭也自東京以下卽無
此語文益謹而格卑矣

史記田敬仲世家齊人歌之曰嫗乎采芑歸乎田成子史
通曰田常見存而遽呼以謚蘇氏曰田常之時安知其爲
成子而稱之

稱王公爲君

稱周文王爲文君焦氏易林文君燎獵呂尚獲福號稱太
師封建齊國漢張衡思立賦文君爲我端耆兮利飛遁以
保名稱晉文公爲文君楚辭惜往日介子忠而立枯兮文
君寤而追求淮南子晉文君大布之衣犛羊之裘又云介

子歌龍蛇而文君垂泣稱宋文公爲文君墨子昔者宋文
君鮑之時稱楚莊王爲莊君荀子莊君之習稱齊莊公爲
莊君墨子昔者齊莊君之時稱魯昭公爲昭君焦氏易林
乾侯野井昭君喪居稱齊景公爲景君宋何承天上陵篇
指營丘感牛山爽鳴旣沒景君歎稱宋襄公爲襄君周庚
信人彭城館詩襄君初建國稱宋元公爲元君莊子宋元
君夜半而夢



